



竹刻後藤點
地

日仁12
563
6



泰太同

友邦親之也

冢君尊之也越及也

置丁但友誠實無妄之謂

受紂名也酒彌克友沈酒溺于酒也

冒色冒亂女色也

族親族世子弟也

友之石及劉空胡友劉則劉劉也

門名 卷 6

周書

泰誓上

明治九年十月廿七日

勅賜治臣民等



惟十有三年春大會于孟津王曰嗟我友邦
 冢君越我御事庶士明聽誓惟天地萬物父
 母惟人萬物之靈亶聰明作元后元后作民
 父母今商王受弗敬上天降災下民沈湎冒
 色敢行暴虐罪人以族官人以世惟官室臺
 榭陂池侈服以殘害于爾萬姓焚炙忠良剝
 剔孕婦皇天震怒命我文考肅將天威大勳

周書

泰誓上

改正音言
肆故也

暖且縁及故也夷
蹲踞也

度量度也

貫通盈滿也

宣祭社也家土大
社也

未集肆予小子發以爾友邦冢君觀政于商
惟受罔有悛心乃夷居弗事上帝神祇遺厥
先宗廟弗祀犧牲粢盛既于凶盜乃曰吾有
民有命罔懲其侮天佑下民作之君作之師
惟其克相上帝寵綏四方有罪無罪予曷敢
有越厥志同力度德同德度義受有臣億萬
惟億萬心予有臣三千惟一心商罪貫盈天
命誅之予弗順天厥罪惟鈞予小子夙夜祇
懼受命文考類于上帝宜于冢土以爾有衆

底致也

又止徇循也

播放也肆黨通黑
而黃也比必至反
醜醉怒也肆縱也

底天之罰天矜于民民之所欲天必從之爾
尚弼予一人末清四海時哉弗可失

秦誓中

惟戊午王次于河朔羣后以師畢會王乃徇
師而誓曰嗚呼西土有衆咸聽朕言我聞吉
人為善惟日不足凶人為不善亦惟日不足
今商王受力行無度播棄黎老昵比罪人淫
醜肆虐臣下化之朋家作仇脅權相滅無辜
籲天穢德彰聞惟天惠民惟辟奉天有夏桀

浮過也劉春喪去也

鑒視也

鑿重也夷平也言其知識不相上下也

亂治也圖至也

適責也揚舉也入也

勗許玉反勉也

弗克若天流毒下國天乃佑命成湯降黜夏命惟受罪浮于桀剝喪元良賊虐諫輔謂已
 有天命謂敬不足行謂祭無益謂暴無傷厥
 鑒惟不遠在彼夏王天其以予乂民朕夢協
 朕卜襲于休祥戎商必克受有億兆夷人離
 心離德予有亂臣十人同心同德雖有周親
 不如仁人天視自我民視天聽自我民聽百
 姓有過在予一人今朕必往我武惟揚侵于
 之疆取彼凶殘我伐用張于湯有光勗哉夫

天子將士也

厥明戊午之明日也

勗側畧反斫也

瀟音鋪病也

回邪也

子罔或無畏寧執非敵百姓懍懍若崩厥角
 嗚呼乃一德一心立定厥功惟克末世
 泰誓下
 時厥明王乃大巡六師明誓衆士王曰嗚呼
 我西土君子天有顯道厥類惟彰今商王受
 狎侮五常荒怠弗敬自絕于天結怨于民斫
 朝涉之脛剖賢人之心作威殺戮毒痛四海
 崇信姦回放黜師保屏棄典刑囚奴正士郊
 社不修宗廟不享作奇技淫巧以悅婦人上

視斷也

洪大也務專力也

通踏登成也

帝弗順祝降時喪爾其孜孜奉予一人恭行
 天罰古人有言曰撫我則后虐我則讐獨夫
 受洪惟作威乃汝世讐樹德務滋除惡務本
 肆予小子誕以爾眾士殄殲乃讐爾眾士其
 尚迪果毅以登乃辟功多有厚賞不迪有顯
 戮嗚呼惟我文考若日月之照臨光于四方
 顯于西土惟我有周誕受多方予克受非予
 武惟朕文考無罪受克予非朕文考有罪惟
 予小子無良

牧誓

時甲子昧爽王朝至于商郊牧野乃誓王左
 杖黃鉞右秉白旄以麾曰逖矣西土之人王
 曰嗟我友邦冢君御事司徒司馬司空亞旅
 師氏千夫長百夫長及庸蜀羌鬻微盧彭濮
 人稱爾戈比爾于立爾矛予其誓王曰古人
 有言曰牝雞無晨牝雞之晨惟家之索今商
 王受惟婦言是用昏棄厥肆祀弗答昏棄厥
 遺王父母弟不迪乃惟四方之多罪逋逃是

昧爽明也昧爽將明未明之時也

鉞斧也旄軍中指麾遠也

亞次也卿之貳大夫是也鬻衆也卿之屬士是也

羌驅羊反鬻莫侯反

解舉也戟也此毗至反于插矛亦戟之屬

索蕭索也

肆陳宮報也

愆過也

勗勉也伐擊刺也

桓胡官及桓桓威武貌獮頰脂友

逐逐也

崇是長是信是使是以爲大夫卿士俾暴虐于百姓以茲究于商邑今予發惟恭行天之罰今日之事不愆于六步七步乃止齊焉夫子勗哉不愆于四伐五伐六伐七伐乃止齊焉勗哉夫子尚桓桓如虎如貔如熊如羆于商郊弗逐克奔以役西土勗哉夫子爾所弗勗其于爾躬有戮

武成

惟一月壬辰旁死魄越翼日癸巳王朝步自

二月建寅之月旁死魄死魄朔也二日故曰旁死魄翼

明也哉始也哉生明月三日也

慶速也

生魄望後也

周于征伐商厥四月哉生明王來自商至于豐乃偃武修文歸馬于華山之陽放牛于桃林之野示天下弗服丁未祀于周廟邦甸侯衛駿奔走執豆籩越三日庚戌柴望大告武成既生魄庶邦冢君暨百工受命于周王若曰嗚呼羣后惟先王建邦啓土公劉克篤前烈至于太王肇基王迹王季其勤王家我文考文王克成厥勳誕膺天命以撫方夏大邦畏其力小邦懷其德惟九年大統未集予小

虞至也

萃聚也

通從也

陳直及友

子其承厥志底商之罪告于皇天后土所過
 名山大川曰惟有道曾孫周王發將有大正
 于商今商王受無道暴殄天物害虐烝民為
 天下逋逃主萃淵藪予小子既獲仁人敢祗
 承上帝以遏亂畧華夏蠻貊罔不率俾恭夫
 成命肆予東征綏厥士女惟其士女篚厥玄
 黃昭我周王天休震動用附我大邑周惟爾
 有神尚克相予以濟兆民無作神羞既戊午
 師渡孟津癸亥陳于商郊侯天休命甲子昧

賚與也

厚也

爽受率其旅若林會于牧野罔有敵于我師
 前徒倒戈攻于後以北血流漂杵一戎衣天
 下大定乃反商政政由舊釋箕子囚封比于
 墓式商容閭散鹿臺之財發鉅橋之粟大賚
 于四海而萬姓悅服列爵惟五分土惟三建
 官惟賢位事惟能重民五教惟食喪祭惇信
 明義崇德報功垂拱而天下治

今考定武成

惟一月壬辰旁死魄越翼日癸巳王朝步自

周于征伐商底商之罪告于皇天后土所過
名山大川曰惟有道曾孫周王發將有大正
于商今商王受無道暴殄天物害虐烝民爲
天下逋逃主萃淵藪予小子既獲仁人敢祗
承上帝以遏亂略華夏蠻貊罔不率俾惟爾
有神尚克相予以濟兆民無作神羞既戊午
師逾孟津癸亥陳于商郊俟天休命甲子昧
爽受率其旅若林會于牧野罔有敵于我師
前徒倒戈攻于後以北血流漂杵一戎衣天

下大定乃反商政政由舊釋箕子囚封比于
墓式商容閭散鹿臺之財發鉅橋之粟大賚
于四海而萬姓悅服厥四月哉生明王來自
商至于豐乃偃武修文歸馬于華山之陽放
牛于桃林之野示天下弗服既生魄庶邦冢
君暨百工受命于周丁未祀于周廟邦甸侯
衛駿奔走執豆籩越三日庚戌柴望大告武
成王若曰嗚呼羣后惟先王建邦啓土公劉
克篤前烈至于太王肇基王迹王季其勤王

家我文考文王克成厥勳誕膺天命以撫方
夏大邦畏其力小邦懷其德惟九年大統未
集予小子其承厥志恭天成命肆予東征綏
厥士女惟其士女篚厥玄黃昭我周王天休
震動用附我大邑周列爵惟五分土惟三建
官惟賢位事惟能重民五教惟食喪祭惇信
明義崇德報功垂拱而天下治

洪範

惟十有三祀王訪于箕子王乃言曰嗚呼箕

訪就而問之也

隨職日友定也相
去聲因合聲常倫
理也

踵音因塞也泪音
骨亂也陳列也

聖與洪大範法疇
類數音妬敗也

錫賜也

農厚也

子惟天陰隲下民相協厥居我不知其彝倫
攸叙箕子乃言曰我聞在昔鯀陞洪水汨陳
其五行帝乃震怒不畀洪範九疇彝倫攸斁
鯀則殛死禹乃嗣興天乃錫禹洪範九疇彝
倫攸叙○初一日五行次二日敬用五事次
三日農用八政次四日協用五紀次五日建
用皇極次六日乂用三德次七日明用稽疑
次八日念用庶徵次九日嚮用五福威用六
極○一五行一日水二日火三日木四日金

改正音訓

爰於也作爲也

五曰土。水曰潤。下火曰炎。上木曰曲。直金曰
 從。革土爰稼穡。穡潤下作鹹。炎上作苦。曲直作
 酸。從革作辛。稼穡作甘。○二五事。一曰貌。二
 曰言。三曰視。四曰聽。五曰思。貌曰恭。言曰從。
 視曰明。聽曰聰。思曰睿。恭作肅。從作乂。明作
 哲。聰作謀。睿作聖。○三八政。一曰食。二曰貨。
 三曰祀。四曰司空。五曰司徒。六曰司寇。七曰
 賓。八曰師。○四五紀。一曰歲。二曰月。三曰日。
 四曰星辰。五曰曆數。○五皇極。皇建其有極。

皇君也

濫明邪黨也。比德私相比附也。

欽時五福。用敷錫厥庶民。惟時厥庶民于汝
 極。錫汝保極。凡厥庶民。無有淫朋。人無有比
 德。惟皇作極。凡厥庶民。有猷有爲。有守。汝則
 念之。不協于極。不罹于咎。皇則受之。而康而
 色。曰予攸好德。汝則錫之福。時人斯其惟皇
 之極。無虐筮獨而畏高明。人之有能有爲。使
 羞其行而邦其昌。凡厥正人。既富方穀。汝弗
 能。使有好于而家。時人斯其幸于其無好德。
 汝雖錫之福。其作汝用咎。無偏無陂。遵王之

蓋進也。正人在官之人。富祿之也。義善也。

偏不中。陂不平也。

黨不公也。湯湯廣遠也。平蒲眠反。平平易也。反倍常也。剛不正也。曰起語辭。

敷言上文敷衍之言也。

曰民之辭。

克治也。因順變和也。

義無有作好。遵王之道。無有作惡。遵王之路。無偏無黨。王道蕩蕩。無黨無偏。王道平平。無反無側。王道正直。會其有極。歸其有極。曰皇極之敷言。是訓是行。以近天子之光。曰天子作民父母。以為天下王。○六三德。一曰正直。二曰剛克。三曰柔克。平康正直。彊弗友。剛克。燮友。柔克。沉潛剛克。高明柔克。惟辟作福。惟辟作威。惟辟玉食。臣無有作福作威。玉食臣之。

頗不平也。僻不公也。借喻也。感惕德反。過也。稽考也。駢結釋不屬。克交錯有相勝之意。貞悔內卦為貞外卦為悔。衍推感過也。

有作福作威。玉食其害于而家。凶于而國人。用側頗僻。民用僭忒。○七稽疑。擇建立卜筮。人乃命。卜筮曰雨。曰霽。曰蒙。曰驛。曰克。曰貞。曰悔。凡七。卜五。占用二。衍忒。立時人作卜筮。三人占。則從二人之言。汝則有大疑。謀及乃心。謀及卿士。謀及庶人。謀及卜筮。汝則從龜。從筮。從卿士。從庶民。從是之謂大同。身其康彊。子孫其逢吉。汝則從龜。從筮。從卿士。逆庶民。逆吉。卿士從龜。從筮。從汝。則逆庶民。逆吉。

徵驗也

備無缺少也

叙應節侯也無豐茂極備過多也極無過少也

狂妄僭差也

象急急迫蒙昧也

省悉井反

庶民從龜從筮從汝則逆卿士逆吉汝則從
 龜從筮逆卿士逆庶民逆作內吉作外凶龜
 筮共違于人用靜吉用作凶○八庶徵曰雨
 曰暘曰燠曰寒曰風曰時五者來備各以其
 叙庶草蕃庶一極備凶一極無凶曰休徵曰
 肅時雨若曰乂時暘若曰哲時燠若曰謀時
 寒若曰聖時風若曰咎徵曰狂恒雨若曰僭
 恒暘若曰豫恒燠若曰急恒寒若曰蒙恒風
 若曰王省惟歲卿士惟月師尹惟日歲月日

凶不得其死也短折橫天也

繫牛刀及犬知人心可使者

西旅西方蠻夷國名

時無易百穀用成又用明俊民用章家用平
 康日月歲時既易百穀用不成又用昏不明
 俊民用微家用不寧庶民惟星星有好風星
 有好雨日月之行則有冬有夏月之從星則
 以風雨○九五福一曰壽二曰富三曰康寧
 四曰攸好德五曰考終命六極一曰凶短折
 二曰疾三曰憂四曰貧五曰惡六曰弱

旅獒

惟克商遂通道于九夷八蠻西旅底貢厥獒

太保召公奭

万物方土所生之物

昭示也

盡子忍反

貞正也

太保乃作旅葵用訓于王曰嗚呼明王慎德
 四夷咸賓無有遠邇畢獻方物惟服食器用
 王乃昭德之致于異姓之邦無替厥服分寶
 玉于伯叔之國時庸展親人不易物惟德其
 物德盛不狎侮狎侮君子罔以盡人心狎侮
 小人罔以盡其力不役耳目百度惟貞玩人
 喪德玩物喪志志以道寧言以道接不作無
 益害有益功乃成不貴異物賤用物民乃足
 犬馬非其土性不畜珍禽奇獸不育于國不

國猶言萬一也珍
矜持之矜

滕徒登反

二公太公召公也

總敬而有和意穆
上猶言共上也戚
憂懼之意

功事也墀上演反
除地曰墀墀置也

冊祝如今祝版之
類

遭遇厲惡也暴也
不子元子也

寶遠物則遠人格所寶惟賢則邇人安嗚呼
 夙夜罔或不勤不矜細行終累大德為山九
 仞功虧一簣允迪茲生民保厥居惟乃世王

金滕

既克商二年王有疾弗豫二公曰我其為王
 穆卜周公曰未可以戚我先王公乃自以為
 功為三壇同墀為壇於南方北面周公立焉
 植璧秉珪乃告太王王季文王史乃冊祝曰
 惟爾元孫某遘厲虐疾若爾三王是有丕子

改正音詞

即就也

屈藏也重也

圖藏一書之置金
勝以金緘之也
愈也

孺子成王也辟讀
為避

銷讓也

之責于天以且代某之身予仁若考能多材
多藝能事鬼神乃元孫不若且多材多藝不
能事鬼神乃命于帝庭敷佑四方用能定爾
子孫于下地四方之民罔不祗畏嗚呼無墜
天之降寶命我先王亦未有依歸今我即命
于元龜爾之許我我其以璧與珪歸俟爾命
爾不許我我乃屏璧與珪乃卜三龜一習吉
啓籥見書見并是吉公曰體王其罔害予小
子新命于三王惟求終是圖茲攸俟能念予

一人公歸乃納冊于金勝之匱中王翼日乃
瘳○武王既喪管叔及其羣弟乃流言於國
曰公將不利於孺子周公乃告二公曰我之
弗辟我無以告我先王周公居東二年則罪
人斯得于後公乃為詩以貽王名之曰鴟鴞
王亦未敢誚公○秋大熟未獲天大雷電以
風禾盡偃大木斯拔邦人大恐王與大夫盡
弁以啓金勝之書乃得周公所自以為功代
武王之說二公及王乃問諸史與百執事對

書經

卷二

新當作親

曰信噫公命我勿敢言王執書以泣曰其勿
穆卜昔公勤勞王家惟予冲人弗及知今天
動威以彰周公之德惟朕小子其新逆我國
家禮亦宜之王出郊天乃雨反風禾則盡起
二公命邦人凡大木所偃盡起而築之歲則
大熟

大誥

王若曰猷大誥爾多邦越爾御事弗弔天降
割于我家不少延洪惟我幼冲人嗣無疆大

猷發語辭猶虞書
咨差之例用恤也

已承上語辭已而
有不能已之意敷
布實飾也

寧王武王也以其
克殷以安天下也

蠢動而無知之貌
腆他典反厚也

誕大叙緒也疵才
支反病也

于往也敷音弭撫
也武繼也大事戎
事休美也
肆故也

歷服弗造哲迪民康矧曰其有能格知天命
已予惟小子若涉淵水予惟往求朕攸濟敷
賁敷前人受命茲不忘大功予不敢閑于天
降威用寧王遺我大寶龜紹天明即命曰有
大艱于西土西土人亦不靜越茲蠢殷小腆
誕敢紀其叙天降威知我國有疵民不康曰
予復反鄙我周邦今蠢今翼日民獻有十夫
予翼以于救寧武圖功我有大事休朕卜并
吉肆予告我友邦君越尹氏庶士御事曰予

得吉ト。予惟以爾庶邦于伐殷。逋播臣爾庶邦君。越庶士御事。罔不反。曰：艱大，民不靜。亦惟在王宮。邦君室越予小子。考翼不可征。王害不違ト。肆予冲人。求思艱。曰：嗚呼！允蠢鯨寡哀哉。予造天役。遺大投艱于朕身。越予冲人不印。自恤義爾邦君。越爾多士尹氏御事。綏予曰：無愆于恤。不可不成。乃寧考圖功。已予惟小子。不敢替上帝命。天休于寧王。興我小邦。周寧王惟ト。用克綏受茲命。今天其相

官易也

造為也

印五剛及我也

綏音秘勞也

省悉井反

悶者否閉而不通
悶者艱難而不易

斐輔也

昔前日也

考翼父敬事者

民矧亦惟ト。用嗚呼。天明畏。弼我不丕。基王曰：爾惟舊人。爾丕克遠省。爾知寧王若勤哉。天閱愆我成功。所予不敢不極。卒寧王圖事。肆予大化。誘我友邦君。天斐忱辭其考。我民予曷其不于前寧人。圖功攸終。天亦惟用勤。愆我民若有疾。予曷敢不于前寧人。攸受休。畢王曰：若昔朕其逝。朕言艱。日思若考。作室既底。法厥子。乃弗肯堂。矧肯構。厥父菑。厥子乃弗肯播。矧肯穫。厥考翼其肯。曰：予有後弗

民養未詳肆放也
欲其舒放而不畏
縮也
顯明也

棄基肆予曷敢不越卬救寧王大命若兄考
乃有友伐厥子民養其勸弗救王曰嗚呼肆
哉爾庶邦君越爾御事爽邦由哲亦惟十人
迪知上帝命越天棐忱爾時罔敢易法矧今
天降戾于周邦惟大艱人誕鄰胥伐于厥室
爾亦不知天命不易予末念曰天惟喪殷若
稽夫予曷敢不終朕畝天亦惟休于前寧人
予曷其極卜敢弗于從率寧人有指疆土矧
今卜并吉肆朕誕以爾東征天命不僭卜陳

惟若茲

微子之命

王若曰猷殷王元子惟稽古崇德象賢統承
先王修其禮物作賓于王家與國咸休末世
無窮嗚呼乃祖成湯克齊聖廣淵皇天眷佑
誕受厥命撫民以寬除其邪虐功加于時德
垂後裔爾惟踐修厥猷舊有令聞恪慎克孝
肅恭神人予嘉乃德曰篤不忘上帝時歆下
民祇協庸建爾于上公尹茲東夏欽哉往敷

元子長子也

禮典禮物文物也

誦大也

猷道也罔敬也

猷饗庸用也

尹治也

改正音訓

既輔國法也

數音亦厭也

哉生魄十六日也

見音現

孟長也言為諸侯之長也封康叔名

乃訓慎乃服命率由典常以蕃王室弘乃烈
祖律乃有民未綏厥位毗予一人世世享德
萬邦作式俾我有周無斃嗚呼往哉惟休無
替朕命

康誥

惟三月哉生魄周公初基作新大邑于東國
洛四方民大和會侯甸男邦采衛百工播民
和見士于周周公咸勤乃洪大誥治王若曰
孟侯朕其弟小子封惟乃丕顯考文王克明

備用也

禮壹計及

也通音聿述也及服

之行也凶靡而大之也

德慎罰不敢侮鰥寡庸庸祗祗威威顯民用
肇造我區夏越我一二邦以修我西土惟時
怙冒聞于上帝帝休天乃大命文王殪戎殷
誕受厥命越厥邦厥民惟時叙乃寡兄勗肆
汝小子封在茲東土王曰嗚呼封汝念哉今
民將在祗通乃文考紹聞衣德言往敷求于
殷先哲王用保乂民汝丕遠惟商考成人宅
心知訓別求聞由古先哲王用康保民弘于
天若德裕乃身不廢在王命王曰嗚呼小子

文三十一

康誥

十一

改正音訓
桐音通痛也。國姑
還及病也。

服事應和也

式用也

適偶也

封。恫瘝乃身敬哉。天畏棐忱。民情大可見。小
人難保。往盡乃心。無康好逸。豫乃其乂。民我
聞曰。怨不在大。亦不在小。惠不惠。懋不懋。已
汝惟小子。乃服惟弘。王應保殷民。亦惟助王
宅天命。作新民。王曰。嗚呼。封。敬明乃罰。人有
小罪。非眚。乃惟終自作不典。式爾有厥罪小
乃不可不殺。乃有大罪。非終。乃惟青災。適爾
既道極厥辜。時乃不可殺。王曰。嗚呼。封。有叙
時。乃大明服。惟民其勅懋和。若有疾。惟民其

魚列反法也

要囚獄辭之要者
也。服念服膺而念
之。旬十日。時三月
斷也。義宜也。

次舍之次

通順也。已語辭之
不能已也。

越。越也。音音。閔
強也。國徒。怨及惡
也。

畢棄咎。若保赤子。惟民其康乂。非汝封。刑人
殺人無或。刑人殺人。非汝封。又曰。劓。刑人無
或劓。刑人。王曰。外事。汝陳時。臬司師。茲殷罰
有倫。又曰。要囚。服念五六日。至于旬時。丕蔽
要囚。王曰。汝陳時。臬司。罰蔽殷彝。用其義刑
義殺。勿庸以次。汝封。乃汝盡遜。曰。時叙。惟曰
未有遜事。已。汝惟小子。未其有若汝封之心。
朕心。朕德。惟乃知。凡民自得罪。寇攘姦宄。殺
越人于貨。瞿不畏死。罔弗斃。王曰。封。元惡大

越。越也。音音。閔
強也。國徒。怨及惡
也。

書經下

十一

天顯猶孝經所謂
天明尊卑顯然之
序也
用音的

屬訖黜及法也言
民之不率教者固
可大賞之法也

愍矧惟不孝不友子弗祗服厥父事大傷厥
考心于父不能字厥子乃疾厥子于弟弗念
天顯乃弗克恭厥兄兄亦不念鞠子哀大不
友于弟惟弔茲不于我政人得罪天惟與我
民彝大泯亂曰乃其速由文王作罰刑茲無
赦不率大曼矧惟外庶子訓人惟厥正人越
小臣諸節乃別播敷造民大譽弗念弗庸瘵
厥君時乃引惡惟朕愍已汝乃其速由茲義
率殺亦惟君惟長不能厥家人越厥小臣外

求等也

因止也

正惟威惟虐大放王命乃非德用又汝亦罔
不克敬典乃由裕民惟文王之敬忌乃裕民
曰我惟有及則予一人以懌王曰封爽惟民
迪吉康我時其惟殷先哲王德用康又民作
求矧今民罔迪不適不迪則罔政在厥邦王
曰封予惟不可不監告汝德之說于罰之行
今惟民不靜未戾厥心迪屢未同爽惟天其
罰矧我我其不怨惟厥罪無在大亦無在多
矧曰其尚顯聞于天王曰嗚呼封敬哉無作

未詳

怨勿用非謀非彝蔽時忱不則敏德用康乃
心顧乃德遠乃猷裕乃以民寧不汝瑕殄王
日嗚呼肆汝小子封惟命不于常汝念哉無
我殄享明乃服命高乃聽用康乂民王若曰
往哉封勿替敬典聽朕告汝乃以殷民世享

酒誥

王若曰明大命于妹邦乃穆考文王肇國在
西土厥誥恣庶邦庶士越少正御事朝夕曰
祀茲酒惟天降命肇我民惟元祀天降威我

敬也或曰文王
世次為穆

戒謹也少正官
之副貳也

有正有官守者有
事有職事者
無母同養也

嗣續大也

鑿敏也服事也賈
音古

去聲洗滌典反
致其潔也他典
反致其厚也
與常也養也

惟君未詳

民用大亂喪德亦罔非酒惟行越小大邦用
喪亦罔非酒惟辜文王誥教小子有正有事
無彝酒越庶國飲惟祀德將無醉惟曰我民
迪小子惟土物愛厥心臧聰聽祖考之彝訓
越小大德小子惟一妹土嗣爾股肱純其藝
黍稷奔走事厥考厥長肇牽車牛遠服賈用
孝養厥父母厥父母慶自洗腆致用酒庶士
有正越庶伯君子其爾典聽朕教爾大克羞
考惟君爾乃飲食醉飽不惟曰爾克未觀省

文正音訓

詩經卷五

十一

不助也用逸用以
寡樂也

祖往也輔佐文王
往日之邦君御事
小子也

作稽中德爾尚克羞饋祀爾乃自介用逸茲
乃允惟王正事之臣茲亦惟天若元德永不
忘在王家王曰封我西土棐徂邦君御事小
子尚克用文王教不腆于酒故我至于今克
受殷之命王曰封我聞惟曰在昔殷先哲王
迪畏天顯小民經德秉哲自成湯咸至于帝
乙成王畏相惟御事厥棐有恭不敢自暇自
逸矧曰其敢崇飲越在外服侯甸男衛邦伯
越在內服百僚庶尹惟亞惟服宗工越百姓

既安也圖之方友
痛也
狼一墜友

里居罔敢湏于酒不惟不敢亦不暇惟助成
王德顯越尹人祗辟我聞亦惟曰在今後嗣
王酣身厥命罔顯于民祗保越怨不易誕惟
厥縱淫泆于非彝用燕喪威儀民罔不盡傷
心惟兀腆于酒不惟自息乃逸厥心疾狠不
克畏死辜在商邑越殷國滅無懼弗惟德馨
香祀登聞于天誕惟民怨庶羣自酒腥聞在
上故天降喪于殷罔愛于殷惟逸天非虐惟
民自速辜王曰封予不惟若茲多誥古人有

勅五八反用力也

服休坐而論道之臣服承起而作事之臣所與畿同所父政官司馬也農父教官司徒也宏父事官司空也

省者不忘之也斯此也指教辭而言享上享下之享

治也乃司有司也

恒常也師師以官師為師也
尹正官之長也
大夫也
勞來也
徂往也
所過律所謂知情
藏匿資給也
汝若以下至戰敗
人省文多未詳
三監之監

言曰人無於水監當於民監今惟殷墜厥命
我其可不_レ大監撫于時予惟曰汝劼_レ志殷獻
臣侯甸男衛矧太史友內史友越獻臣百宗
工矧惟爾事服休服采矧惟若疇圻父薄違
農父若保宏父定辟矧汝剛制于酒厥或誥
曰羣飲汝勿佚盡執拘以歸于周予其殺又
惟殷之迪諸臣惟工乃酒于酒勿庸殺之姑
惟教之有斯明享乃不用我教辭惟我一人
弗恤弗蠲乃事時同于殺王曰封汝典聽朕
恣勿辯乃司民酒于酒

梓材

王曰封以厥庶民暨厥臣達大家以厥臣達
王惟邦君汝若恒越曰我有師師司徒司馬
司空尹旅曰予罔厲殺人亦厥君先敬勞肆
徂厥敬勞肆往姦宄殺人歷人宥肆亦見厥
君事_レ戕敗人宥王啓監厥亂為民曰無胥戕
無胥虐至于敬寡至于屬婦合由以容王其
效邦君越御事厥命曷以引養引恬自古王

改正音訓

晉治也敷苗廣去
草棘也

疆畔也明通水渠
也怪奇寄友塗墜
泥飾也茨蓋也梓
良材可為器者
屋郭及采邑之名

既盡也兩音協近
也

方來方方而來也
式用也興舊典也
集和輯也
越及也轉今也

已語辭闕視也

若茲監罔攸辟惟曰若稽田既勤敷蓄惟其
陳修為厥疆畎若作室家既勤垣墉惟其塗
墍茨若作梓材既勤樸斲惟其塗丹雘今王
惟曰先王既勤用明德懷為夾庶邦享作兄
弟方來亦既用明德后式典集庶邦丕享皇
天既付中國民越厥疆土于先王肆王惟德
用和懌先後迷民用懌先王受命已若茲監
惟曰欲至于萬年惟王子子孫孫永保民

召誥

既望十六日也

越若來語辭言名
公於豐迤邐而來
也

脚敷尾反月出也
三日明生之名

庶殷殷之衆庶也

惟二月既望越六日乙未王朝步自周則至
于豐惟太保先周公相宅越若來三月惟丙
午朏越三日戊申太保朝至于洛卜宅厥既
得卜則經營越三日庚戌太保乃以庶殷攻
位于洛汭越五日甲寅位成若翼日乙卯周
公朝至于洛則達觀于新邑營越三日丁巳
用牲于郊牛二越翼日戊午乃社于新邑牛
一羊一豕一越七日甲子周公乃朝用書命
庶殷侯甸男邦伯厥既命殷庶庶殷丕作太

文三十一

卷之三

三十一

曷何也其語辭

面鄉也

保乃以庶邦冢君出取幣乃復入錫周公曰
 拜手稽首旅王若公誥告庶殷越自乃御事
 嗚呼皇天上帝改厥元子茲大國殷之命惟
 王受命無疆惟休亦無疆惟恤嗚呼曷其奈
 何弗敬天既遐終大邦殷之命茲殷多先哲
 王在天越厥後王後民茲服厥命厥終智臧
 瘝在夫知保抱持厥婦子以哀籲天祖厥
 亡出執嗚呼天亦哀于四方民其眷命用懋
 王其疾敬德相古先民有夏天迪從子保面

國和也

魯魚緘及險也

王中洛邑天地之中故謂之土中

稽天若今時既墜厥命今相有殷天迪格保
 面稽天若今時既墜厥命今沖于嗣則無遺
 壽考曰其稽我古人之德矧曰其有能稽謀
 自天嗚呼有王雖小元子哉其不能誠于小
 民今休王不敢後用顧畏于民畧王來紹上
 帝自服于土中且曰其作大邑其自時配皇
 天祀祀于上下其自時中又王厥有成命治
 民今休王先服殷御事比介于我有周御事
 節性惟日其邁王敬作所不可不敬德我不

可不監于有夏亦不可不監于有殷我不敢
 知曰有夏服天命惟有歷年我不敢知曰不
 其延惟不敬厥德乃早墜厥命我不敢知曰
 有殷受天命惟有歷年我不敢知曰不其延
 惟不敬厥德乃早墜厥命今王嗣受厥命我
 亦惟茲二國命嗣若功王乃初服嗚呼若生
 子罔不在厥初生自貽哲命今天其命哲命
 吉凶命歷年知今我初服宅新邑肆惟王其
 疾敬德王其德之用祈天永命其惟王勿以

元首也

善民殷之頑民友
民周之友順之民

未終也

復如復逆之復

文王音訓

書經下

二十五

小民淫用非彝亦敢殄戮用乂民若有功其
 惟王位在德元小民乃惟刑用于天下越王
 顯上下勤恤其曰我受天命丕若有夏歷年
 式勿替有殷歷年欲王以小民受天永命拜
 手稽首曰予小臣敢以王之讐民百君子越
 友民保受王威命明德王末有成命王亦顯
 我非敢勤惟恭奉幣用供王能祈天永命

洛誥

周公拜手稽首曰朕復子明辟王如弗敢及

保太保

洛師猶言京師也

灋音墨食更先定墨而灼龜之兆正食其墨也

徑補耕及使也

匹配也

視示也

貞猶當也

殷盛也

功宗功之尊顯者

功載記功之載籍也朋比也

天基命定命予乃胤保大相東土其基作民
 明辟予惟乙卯朝至于洛師我卜河朔黎水
 我乃卜澗水東澗水西惟洛食我又卜澗水
 東亦惟洛食俘來以圖及獻卜王拜手稽首
 曰公不敢不敬天之休來相宅其作周匹休
 公既定宅俘來來視予卜休恒吉我二人共
 貞公其以予萬億年敬天之休拜手稽首誨
 言周公曰王肇稱殷禮祀于新邑咸秩無文
 予齊百工俘從王于周予惟曰庶有事今王

卽命日記功宗以功作元祀惟命曰汝受命
 篤弼不視功載乃汝其悉自教工孺子其朋
 孺子其朋其往無若火始燄燄厥攸灼叙弗
 其絕厥若彝及撫事如予惟以在周工往新
 邑俘嚮卽有僚明作有功惇大成裕汝未有
 辭公曰已汝惟冲子惟終汝其敬識百辟享
 亦識其有不享享多儀儀不及物惟曰不享
 惟不役志于享凡民惟曰不享惟事其爽侮
 乃惟孺子頒朕不暇聽朕教汝于棊民彝汝

功宗功之尊顯者

功載記功之載籍也

也朋比也

禮記正義卷之四十五
禮記正義卷之四十五
禮記正義卷之四十五

疾至也

將大也

旁無方所也

穆穆和敬也

亂治也

將大也

定止也

哉漢書兩引之以
哉作我

典章也殷獻民
殷之賢者也

多子象卿大夫也

師衆也等信也考
成也刑儀刑也單
殫也

乃是不獲乃時惟不末哉篤叙乃正父罔不
若予不敢廢乃命汝往敬哉茲予其明農哉
彼裕我民無遠用戾王若曰公明保予冲子
公稱不顯德以予小子揚文武烈奉答天命
和恒四方民居師惇宗將禮稱秩元祀咸秩
無文惟公德明光于上下勤施于四方旁作
穆穆迓衡不迷文武勤教予冲子夙夜忠祀
王曰公功斐迪篤罔不若時王曰公予小子
其退即辟于周命公後四方迪亂未定于宗

禮亦未克救公功迪將其後監我士師工誕
保文武受民亂為四輔王曰公定予往已公
功肅將祇歡公無困哉我惟無斁其康事公
勿替刑四方其世享周公拜手稽首曰王命
予來承保乃文祖受命民越乃光烈考武王
弘朕恭孺子來相宅其大惇典殷獻民亂為
四方新辟作周恭先曰其自時中又萬邦咸
休惟王有成績予且以多子越御事篤前人
成烈答其師作周孚先考朕昭子刑乃單文

種白許及黑黍也
也音由中尊也
明潔禮音因敬也
宿與顧命三宿之
宿同進爵也
禮祭名
厭於豔反
承聽受也教條
次第也

逸史佚也王賓猶
虞賓祀宋之屬
禋古玩及灌也

祖德侔來恣殷乃命寧予以秬鬯二卣日明
禋拜手稽首休享予不敢宿則禋于文王武
王惠篤叙無有邁自疾萬年厭于乃德殷乃
引考王侔殷乃承叙萬年其末觀朕子懷德
戊辰王在新邑烝祭歲文王騂牛一武王騂
牛一王命作冊逸祝冊惟告周公其後王賓
殺禋咸格王入太室裸王命周公後作冊逸
誥在十有二月惟周公誕保文武受命惟七
年

多士

弗弔未詳意其為
歎閱之辭

取也

惟三月周公初于新邑洛用告商王士王若
曰爾殷遺多士弗弔旻天大降喪于殷我有
周佑命將天明威致王罰勅殷命終于帝肆
爾多士非我小國敢弋殷命惟天不畀允罔
固亂弼我我其敢求位惟帝不畀惟我下民
秉為惟天明畏我聞曰上帝引逸有夏不適
逸則惟帝降格嚮于時夏弗克庸帝大淫泆
有辭惟時天罔念聞厥惟廢元命降致罰乃

命爾先祖成湯革夏後民旬四方自成湯至
 于帝乙罔不明德恤祀亦惟天丕建保乂有
 殷殷王亦罔敢失帝罔不配天其澤在今後
 嗣王誕罔顯于天矧曰其有聽念于先王勤
 家誕淫厥泆罔顧于天顯民祗惟時上帝不
 保降若茲大喪惟天不畀不明厥德凡四方
 小大邦喪罔非有辭于罰王若曰爾殷多士
 今惟我周王丕靈承帝事有命曰割殷告勅
 于帝惟我事不貳適惟爾王家我適予其曰

惟爾洪無度我不爾勅自乃邑予亦念天即
 于殷大戾肆不正王曰猷告爾多士予惟時
 其遷居西爾非我一人奉德不康寧時惟天
 命無違朕不敢有後無我怨惟爾知惟殷先
 人有冊有典殷革夏命今爾其曰夏迪簡在
 王庭有服在百僚予一人惟聽用德肆予敢
 求爾于天邑商予惟率肆矜爾非予罪時惟
 天命王曰多士昔朕來自奄予大降爾四國
 民命我乃明致天罰移爾遐逝比事臣我宗

幹事也正居也

多遜王曰告爾殷多士。今予惟不爾殺。予惟時命有申。今朕作大邑于茲洛。予惟四方罔攸賓。亦惟爾多士攸服。奔走臣我多遜。爾乃尚有爾土。爾乃尚寧幹。止爾克敬。天惟畀矜。爾爾不克敬。爾不啻不有爾土。予亦致天之罰于爾躬。今爾惟時宅爾邑。繼爾居爾厥。有幹有年于茲洛。爾小子乃興從爾。遷王曰。又曰。時予乃或言爾攸居。

無逸

周公曰。嗚呼。君子所其無逸。先知稼穡之艱難。乃逸。則知小人之依。相小人。厥父母勤勞稼穡。厥子乃不知稼穡之艱難。乃逸。乃諂。既誕。否則侮厥父母。曰。昔之人無聞。知周公曰。嗚呼。我聞曰。昔在殷王中宗。嚴恭寅畏。天命自度。治民祇懼。不敢荒寧。肆中宗之享國七十有五年。其在高宗時。舊勞于外。爰暨小人。作其卽位。乃或亮陰。三年不言。其惟不言。言乃雍。不敢荒寧。嘉靖殷邦。至于小大無時。或

亮音梁園音巷

雍和也

文正音川

書經下

三十一

怨肆高宗之享國五十有九年其在祖甲不
義惟王舊為小人作其即位爰知小人之依
能保惠于庶民不敢侮鰥寡肆祖甲之享國
三十有二年自時厥後立王生則逸生則逸
不知稼穡之艱難不聞小人之勞惟耽樂之
從自時厥後亦罔或克壽或十年或七八年
或五六年或四三年周公曰嗚呼厥亦惟我
周太王王季克自抑畏文王卑服即康功田
功徽柔懿恭懷保小民惠鮮鰥寡自朝至于

康功安民之功田
功養民之功
徽懿皆美也

則法也

日中昃不遑暇食用咸和萬民文王不敢盤
于遊田以庶邦惟正之供文王受命惟中身
厥享國五十年周公曰嗚呼繼自今嗣王則
其無淫于觀于逸于遊于田以萬民惟正之
供無皇曰今日耽樂乃非民攸訓非天攸若
時人不則有愆無若殷王受之迷亂酗于酒
德哉周公曰嗚呼我聞曰古之人猶胥訓告
胥保惠胥教誨民無或胥譸張為幻此厥不
聽人乃訓之乃變亂先王之正刑至于小大

無與毋通皇與違
通訓法若順則法
也

胥相訓誡順也

譸張流及誑也張
誕也幻音患變名
易實以眩觀者曰
幻

陽正音讀

否俯久反國莊助
反祝音咒

通踏音智也

綽尺約反大也

叢聚也

民否則厥心違怨否則厥口詛祝周公曰嗚呼自殷王中宗及高宗及祖甲及我周文王茲四人迪哲厥或告之曰小人怨汝詈汝則皇自敬德厥愆曰朕之愆允若時不啻不敢含怒此厥不聽人乃或譸張為幻曰小人怨汝詈汝則信之則若時不末念厥辟不寬綽厥心亂罰無罪殺無辜怨有同是叢于厥身周公曰嗚呼嗣王其監于茲

君奭

周公若曰君奭弗弔天降喪于殷殷既墜厥命我有周既受我不敢知曰厥基末孚于休若天棗忱我亦不敢知曰其終出于不祥嗚呼君已曰時我我亦不敢寧于上帝命弗末遠念天威越我民罔尤違惟人在我後嗣子孫大弗克恭上下遏佚前人光在家不知天命不易天難謀乃其墜命弗克經歷嗣前人恭明德在今予小子且非克有正迪惟前人光施于我冲子又曰天不可信我道惟寧王

謹時壬反

圖代墨必

書經

三二七

德延天不庸釋于文王受命公曰君奭我聞
 在昔成湯既受命時則有若伊尹格于皇天
 在太甲時則有若保衡在太戊時則有若伊
 陟臣扈格于上帝巫咸又王家在祖乙時則
 有若巫賢在武丁時則有若甘盤率惟茲有
 陳保又有殷故殷禮陟配天多歷年所天惟
 純佑命則商實百姓王人罔不秉德明恤小
 臣屏侯甸矧咸奔走惟茲惟德稱用又厥辟
 故一人有事于四方若卜筮罔不是孚公曰

陟升遐也

申重圖勉也

君奭天壽平格保又有殷有殷嗣天滅威今
 汝求念則有固命厥亂明我新造邦公曰君
 奭在昔上帝割申勸寧王之德其集大命于
 厥躬惟文王尚克修和我有夏亦惟有若虢
 叔有若閔人有若散宜生有若泰顛有若南
 宮括又曰無能往來茲迪彝教文王茂德降
 于國人亦惟純佑秉德迪知天威乃惟時昭
 文王迪見冒聞于上帝惟時受有殷命哉武
 王惟茲四人尚迪有祿後暨武王誕將天威

圖莫結反無也

劉殺也軍盡也

咸劉厥敵惟茲四人昭武王惟冒丕單稱德
今在予小子且若游大川予往暨汝奭其濟
小子同未_レ在位誕無我責收罔勗不及考造
德不降我則鳴鳥不聞矧曰其有能格公曰
嗚呼君肆其監于茲我受命無疆惟休亦大
惟艱告君乃猷裕我不以後人迷公曰前人
敷乃心乃悉命汝作汝民極曰汝明勗偶王
在亶乘茲大命惟文王德丕承無疆之恤公
曰君告汝朕允保奭其汝克敬以予監于殷

國大也

唇部歆及天否天
亂也

國勝也戰堪古通
用

喪大否肆念我天威予不允惟若茲諾予惟
曰襄我二人汝有合哉言曰在時二人天休
滋至惟時二人弗戢其汝克敬德明我俊民
在讓後人于不時嗚呼篤_レ集時二人我式克
至于今日休我咸成文王功于不怠丕冒海
隅出日罔不率俾公曰君予不惠若茲多諾
予惟用闕于天越民公曰嗚呼君惟乃知民
德亦罔不能厥初惟其終祗若茲往敬用治

蔡仲之命

及三子訓

書經下

三十四

惟周公位冢宰正百工羣叔流言乃致辟管叔于商囚蔡叔于郭鄰以車七乘降霍叔于庶人三年不齒蔡仲克庸祗德周公以為卿士叔卒乃命諸王邦之蔡王若曰小子胡惟爾率德改行克慎厥猷肆予命爾侯于東土往即乃封敬哉爾尚蓋前人之愆惟忠惟孝爾乃邁迹自身克勤無怠以垂憲乃後率乃祖文王之彝訓無若爾考之違王命皇天無親惟德是輔民心無常惟惠之懷為善不同

同歸于治為惡不同同歸于亂爾其戒哉慎厥初惟厥終終以不困不惟厥終終以困窮懋乃攸績睦乃四鄰以蕃王室以和兄弟康濟小民率自中無作聰明亂舊章詳乃視聽罔以側言改厥度則予一人汝嘉王曰嗚呼小子胡汝往哉無荒棄朕命

多方

惟五月丁亥王來自奄至于宗周周公曰王若曰猷告爾四國多方惟爾殷侯尹民我惟

聖循也無母同

側言一偏之言也

無與母通

文正上

書經下

三十五

勸勉也通啓迪也

甲始也

反 勿他刀反 價陟利

大降爾命爾罔不知洪惟圖天之命弗末寅
 念于祀惟帝降格于夏有夏誕厥逸不肯感
 言于民乃大淫昏不克終日勸于帝之迪乃
 爾攸聞厥圖帝之命不克開于民之麗乃大
 降罰崇亂有夏因甲于內亂不克靈承于旅
 罔不惟進之恭洪舒于民亦惟有夏之民叨
 憤日欽劓割夏邑天惟時求民主乃大降顯
 休命于成湯刑殄有夏惟天不畀紕乃惟以
 爾多方之義民不克求于多享惟夏之恭多

簡擇也

士大不克明保享于民乃胥惟虐于民至于
 百為大不克開乃惟成湯克以爾多方簡代
 夏作民主慎厥麗乃勸厥民刑用勸以至于
 帝乙罔不明德慎罰亦克用勸要囚殄戮多
 罪亦克用勸開釋無辜亦克用勸今至于爾
 辟弗克以爾多方享夫之命嗚呼王若曰誥
 告爾多方非天庸釋有夏非天庸釋有殷乃
 惟爾辟以爾多方大淫圖天之命屑有辭乃
 惟有夏圖厥政不集于享天降時喪有邦間

之乃惟爾商後王逸厥逸圖厥政不蠲烝天
 惟降時喪惟聖罔念作狂惟狂克念作聖天
 惟五年須臾之子孫誕作民主罔可念聽天
 惟求爾多方大動以威開厥顧天惟爾多方
 罔堪顧之惟我周王靈承于旅克堪用德惟
 典神天天惟式教我用休簡畀殷命尹爾多
 方今我曷敢多誥我惟大降爾四國民命爾
 曷不忱裕之于爾多方爾曷不夾介又我周
 王享天之命今爾尚宅爾宅畋爾田爾曷不

興王國用也

惠王熙天之命爾乃迪屢不靜爾心未愛爾
 乃不大宅天命爾乃屑播天命爾乃自作不
 典圖忱于正我惟時其教告之我惟時其戰
 要囚之至于再至于三乃有不用我降爾命
 我乃其大罰殛之非我有周秉德不康寧乃
 惟爾自速辜王曰嗚呼猷告爾有方多士暨
 殷多士今爾奔走臣我監五祀越惟有胥伯
 小大多正爾罔不克臬自作不和爾惟和哉
 爾室不睦爾惟和哉爾邑克明爾惟克勤乃

監監洛邑之遷民者也

其事也

文三

書經

卷二

○畏也穆穆和敬貌

事爾尚不忌于凶德亦則以穆穆在乃位克
閱于乃邑謀介爾乃自時洛邑尚求力畋爾
田天惟畀矜爾我有周惟其大介賚爾迪簡
在王庭尚爾事有服在大僚王曰嗚呼多士
爾不克勸忱我命爾亦則惟不克享凡民惟
曰不享爾乃惟逸惟頗大遠王命則惟爾多
方探天之威我則致天之罰離逃爾土王曰
我不惟多誥我惟祗告爾命又曰時惟爾初
不克敬于和則無我怨

立政

周公若曰拜手稽首告嗣天子王矣用咸戒
于王曰王左右常伯常任準人綴衣虎賁周
公曰嗚呼休茲知恤鮮哉古之人迪惟有夏
乃有室大競籲俊尊上帝迪知忱恂于九德
之行乃敢告教厥后曰拜手稽首后矣曰宅
乃事宅乃牧宅乃準茲惟后矣謀面用丕訓
德則乃宅人茲乃三宅無義民桀德惟乃弗
作往任是惟暴德罔後亦越成湯陟丕釐上

○朱衛下劣二反實音奔

陶音苟

厥光也

惟思武法也

置刑進任刑戮者也
也既習備諸衆醜者也

甸者井牧其地什伍其民也

帝之耿命乃用三有宅克卽宅曰三有俊克
卽俊嚴惟丕式克用三宅三俊其在商邑用
協于厥邑其在四方用丕式見德嗚呼其在
受德賢惟羞刑暴德之人同于厥邦乃惟庶
習逸德之人同于厥政帝欽罰之乃伴我有
夏式商受命奄甸萬姓亦越文王武王克知
三有宅心灼見三有俊心以敬事上帝立民
長伯立政任人準夫牧作三事虎賁綴衣趣
馬小尹左右攜僕百司庶府大都小伯藝人

庶衆也

率道也救功安天下之功

表臣百司太史尹伯庶常吉士司徒司馬司
空亞旅夷微盧烝三亳阪尹文王惟克厥宅
心乃克立茲常事司牧人以克俊有德文王
罔攸兼于庶言庶獄庶慎惟有司之牧夫是
訓用違庶獄庶慎文王罔敢知于茲亦越武
王率惟救功不敢替厥義德率惟謀從容德
以並受此丕丕基嗚呼孺子王矣繼自今我
其立政立事準人牧夫我其克灼知厥若不
乃俾亂相我受民和我庶獄庶慎時則勿有

女正音訓

書經

三十九

聞之自一話一言我則未惟成德之彥以又
我受民嗚呼予且已受人之微言咸告孺子
王矣繼自今文子文孫其勿誤于庶獄庶慎
惟正是又之自古商人亦越我周文王立政
立事牧夫準人則克宅之克由繹之茲乃俾
又國則罔有立政用儉人不訓于德是罔顯
在厥世繼自今立政其勿以儉人其惟吉士
用勸相我國家今文子文孫孺子王矣其勿
誤于庶獄惟有司之牧夫其克詰爾戎兵以

勸音邁勉也
詰治也

觀見也

陟禹之迹方行天下至于海表罔有不服以
觀文王之耿光以揚武王之太烈嗚呼繼自
今後王立政其惟克用常人周公若曰太史
司寇蘇公式敬爾由獄以長我王國茲式有
慎以列用中罰

周官

惟周王撫萬邦巡侯甸四征弗庭綏厥兆民
六服羣辟罔不承德歸于宗周董正治官王
曰若昔大猷制治于未亂保邦于未危曰唐

董直也
董督也

虞稽古建官惟百。內有百揆。四岳外有州牧。侯伯。庶政惟和。萬國咸寧。夏商官倍。亦克用。乂明王立政。不惟其官。惟其人。今予小子。祇勤于德。夙夜不逮。仰惟前代。時若訓迪。厥官立太師。太傅。太保。茲惟三公。論道經邦。燮理陰陽。官不必備。惟其人。少師。少傅。少保。曰三孤。貳公。弘化寅亮。天地弼予。一人冢宰。掌邦治。統百官。均四海。司徒掌邦教。敷五典。擾兆民。宗伯掌邦禮。治神人。和上下。司馬掌邦政。

擾則也

統六師。平邦國。司寇掌邦禁。詰姦慝。刑暴亂。司空掌邦土。居四民。時地利。六卿分職。各率其屬。以倡九牧。阜成兆民。六年。五服一朝。又六年。王乃時巡。考制度。于四岳。諸侯各朝于方岳。大明黜陟。王曰。嗚呼。凡我有官君子。欽乃攸司。慎乃出令。令出惟行。弗惟反。以公滅私。民其允懷。學古入官。議事以制。政乃不迷。其爾典常。作之師。無以利口。亂厥官。蓄疑敗謀。怠忽荒政。不學牆面。蒞事惟煩。戒爾卿士。

迷錯謬也

鄭都玩反

龐莫江反

稱亦舉也

功崇惟志業廣惟勤惟克果斷乃罔後艱位
不期驕祿不期後恭儉惟德無載爾偽作德
心逸日休作偽心勞日拙居寵思危罔不惟
畏弗畏入畏推賢讓能庶官乃和不和政龐
舉能其官惟爾之能稱匪其人惟爾不任王
曰嗚呼三事暨大夫敬爾有官亂爾有政以
佑乃辟永康兆民萬邦惟無斁

君陳

王若曰君陳惟爾令德孝恭惟孝友于兄弟

克施有政命汝尹茲東郊敬哉昔周公師保
萬民民懷其德往慎乃司茲率厥常懋昭周
公之訓惟民其乂我聞曰至治馨香感于神
明黍稷非馨明德惟馨爾尚式時周公之猷
訓惟日孜孜無敢逸豫凡人未見聖若不克
見既見聖亦不克由聖爾其戒哉爾惟風下
民惟草圖厥政莫或不艱有廢有興出入自
爾師虞庶言同則繹爾有嘉謀嘉猷則入告
爾后于內爾乃順之于外曰斯謀斯猷惟我

師衆圖度也

后之德嗚呼。臣人咸若時。惟良顯哉。王曰。君陳爾。惟弘周公丕訓。無依勢作威。無倚法以削寬。而有制從容。以和殷民。在辟予曰。辟爾。惟勿辟。予曰。宥爾。惟勿宥。惟厥中有弗若于汝政。弗化于汝訓。辟以止辟。乃辟扭于姦。究敗常亂俗。三細不宥。爾無忿疾于頑。無求備于一夫。必有忍。其乃有濟。有容德乃大。簡厥修亦簡。其或不修。進厥良以率。其或不良。惟民生厚。因物有遷。違上所命。從厥攸好。爾克

扭習也

敬典在德時。乃罔不變。允升于大猷。惟予一人膺受多福。其爾之休。終有辭於末世。

顧命

惟四月哉。生魄。王不懌。甲子。王乃洮頰水。相被冕服。憑玉几。乃同召太保奭。芮伯彤伯畢公。衛侯毛公。師氏虎臣百尹御事。王曰。嗚呼。疾大漸。惟幾病曰臻。既彌留。恐不獲誓。言嗣茲予審訓命。汝昔君文王武王。宣重光。奠麗陳教。則肄肄不違。用克達殷集大命。在後之

洮音挑。頰音悔。

奠定圖。依也。

同音同愚也

釗音昭

亂治也亂進也

還音旋

延引也

須取也國莫結友

仍因也因生時所設也

既於阮及既以再友

徒外友

惠三隅牙

祀鉏里及堂廉

改正音訓

侗敬逐天威嗣守文武大訓無敢昏逾今天
 降疾殆弗興弗悟爾尚明時朕言用敬保元
 子釗弘濟于艱難柔遠能邇安勸小大庶邦
 思夫人自亂于威儀爾無以釗冒貢于非幾
 茲既受命還出綴衣于庭越翼日乙丑王崩
 太保命仲桓南官毛俾爰齊侯呂伋以二于
 戈虎賁百人逆子釗於南門之外延入翼室
 恤宅宗丁卯命作冊度越七日癸酉伯相命
 士須材狄設黼宸綴衣牖間南嚮敷重篋席

黼純華玉仍几西序東嚮敷重底席綴純文
 貝仍几東序西嚮敷重豐席畫純雕玉仍几
 西夾南嚮敷重筍席玄紛純漆仍几越玉五
 重陳寶赤刀大訓弘璧琬琰在西序大玉夷
 玉天球河圖在東序胤之舞衣大貝鼓鼓在
 西房兌之戈和之弓垂之竹矢在東房大輅
 在賓階面綴輅在阼階面先輅在左塾之前
 次輅在右塾之前二人雀弁執惠立于畢門
 之內四人綦弁執戈上刃夾兩階祀一人冕

書經下

四十四

劉鉞屬

鉞音達劉瞿皆鉞屬

鉞當作鉞音九侍臣所執兵齊踐西反升也

同爵名

皇太后君也

下法也

眇小而如亂治也

宿進爵也唯陳嫁反莫爵也

齊才詣反以酒至齒也宿居也

布陳也乘四馬也諸侯皆陳四黃馬而朱其鬣以為廷

稱舉也

執劉立于東堂一人冕執鉞立于西堂一人冕執戣立于東垂一人冕執瞿立于西垂一人冕執銳立于側階王麻冕黼裳由賓階階齊太史秉書由賓階齊御王冊命曰皇后憑玉几道揚末命命汝嗣訓臨君周邦率循大卞燮和天下用答揚文武之光訓王再拜興答曰眇眇予末小子其能而亂四方以敬

忌天威乃受同瑁王三宿三祭三吃上宗曰饗太保受同降盥以異同秉璋以酢授宗人同拜王答拜太保受同祭齊宅授宗人同拜王答拜太保降收諸侯出廟門侯

康王之誥

王出在應門之內太保率西方諸侯入應門左畢公率東方諸侯入應門右皆布乘黃朱賓稱奉圭兼幣曰一二臣衛敢執壤奠皆再拜稽首王義嗣德答拜太保暨芮伯咸進相

義宜也

美以九及美若未
詳或曰美里之囚
文王自是始順陟
天命自是始順陟
升遐也武王初崩
未諡故曰新陟王
畢盡也
皇大也

揖皆再拜稽首曰敢敬告天子皇天改大邦
殷之命惟周文武誕受美若克恤西土惟新
陟王畢協賞罰戡定厥功用敷遺後人休今
王敬之哉張皇六師無壞我高祖寡命王若
曰庶邦侯甸男衛惟予一人釗報誥昔君文
武丕平富不務咎底至齊信用昭明于天下
則亦有熊羆之士不二心之臣保乂王家用
端命于上帝皇天用訓厥道付畀四方乃命
建侯樹屏在我後之人今予一二伯父尚胥

暨顧綏爾先公之臣服于先王雖爾身在外
乃心罔不在王室用奉恤厥若無遺鞠子羞
羣公既皆聽命相揖趨出王釋冕反喪服

畢命

惟十有二年六月庚午朏越三日壬申王朝
步自宗周至于豐以成周之衆命畢公保釐
東郊王若曰嗚呼父師惟文王武王敷大德
于天下用克受殷命惟周公左右先王綏定
厥家恣殷頑民遷于洛邑密邇王室式化厥

釐理也

盛天之意

善惡也障多
早反病也

訓既歷三紀世變風移四方無虞予一人以
 寧道有升降政由俗革不臧厥臧民罔攸勸
 惟公懋德克勤小物弼亮四世正色率下罔
 不祗師言嘉績多于先王予小子垂拱仰成
 王曰嗚呼父師今予祗命公以周公之事往
 哉旌別淑慝表厥宅里彰善癉惡樹之風聲
 弗率訓典殊厥井疆俾克畏慕申畫郊圻慎
 固封守以康四海政貴有恒辭尚體要不惟
 好異商俗靡靡利口惟賢餘風未殄公其念

倚拈瓜反

哉我聞曰世祿之家鮮克由禮以蕩陵德實
 悖天道敝化奢麗萬世同流茲殷庶士席寵
 惟舊怙侈滅義服美于人驕淫矜侈將由惡
 終雖收放心閑之惟艱資富能訓惟以末年
 惟德惟義時乃大訓不由古訓于何其訓王
 曰嗚呼父師邦之安危惟茲殷士不剛不柔
 厥德允修惟周公克慎厥始惟君陳克和厥
 中惟公克成厥終三后協心同底于道道洽
 政洽澤潤生民四夷左衽罔不咸賴予小子

求膺多福。公其惟時。成周建無窮之基。亦有無窮之聞。子孫訓其成式。惟又嗚呼。罔曰弗克。惟既厥心。罔曰民寡。惟慎厥事。欽若先王。成烈以休于前政。

君牙

王若曰。嗚呼。君牙。惟乃祖乃父。世篤忠貞。服勞王家。厥有成績。紀于太常。惟予小子。嗣守文武成康遺緒。亦惟先王之臣。克左右亂四方。心之憂危。若蹈虎尾。涉于春冰。今命爾予。

爾大也

護謀烈功也

翼作股肱。心膂。績乃舊服。無忝祖考。弘敷五典。式和民則。爾身克正。罔敢弗正。民心罔中。惟爾之中。夏暑雨。小民惟曰怨咨。冬祁寒。小民亦惟曰怨咨。厥惟艱哉。思其艱以圖其易。民乃寧。嗚呼。丕顯哉。文王謨丕承哉。武王烈啓佑我後人。咸以正罔缺。爾惟敬明。乃訓用奉若于先王。對揚文武之光命。追配于前人。王若曰。君牙。乃惟由先正舊典。時式民之治亂。在茲。率乃祖考之攸行。昭乃辟之有父。

同俱永反

問命

王若曰。伯問。惟予弗克于德。嗣先人宅不后。怵惕惟厲。中夜以興。思免厥愆。昔在文武。聰明齊聖。小大之臣。咸懷忠良。其侍御僕從。罔匪正人。以且夕承弼厥辟。出入起居。罔有不欽。發號施令。罔有不臧。下民祇若。萬邦咸休。惟予一人無良。實賴左右前後有位之士。匡其不及。繩愆糾謬。格其非心。俾克紹先烈。今予命汝作大正。正于羣僕侍御之臣。懋乃后

從才用反

繩直糾正也

德交修不逮。慎簡乃僚。無以巧言令色。便辟側媚。其惟吉士。僕臣正。厥后克正。僕臣諛。厥后自聖。后德惟臣。不德惟臣。爾無昵于憊人。充耳目之官。迪上以非。先王之典。非人其吉。惟貨其吉。若時瘝厥官。惟爾大弗克。祇厥辟。惟予汝辜。王曰。嗚呼。欽哉。未弼乃后于彝憲。

呂刑

惟呂命王。享國百年。耄荒度作刑。以詰四方。王曰。若古有訓。蚩尤惟始。作亂延及于平民。

悉悉也

收王時訓

書經

卷之

編義以鴟張跋扈
為義矯虔矯詐虔
劉也

涖民昏也
反發發亂也

清問虛心而問也

罔不寇賊鳴義茲究奪攘矯虔苗民弗用靈
制以刑惟作五虐之刑曰法殺戮無辜爰始
淫為劓剕椽黥越茲麗刑并制罔差有辭民
興胥漸泯泯焚罔中于信以覆詛盟虐威
庶戮方告無辜于上帝監民罔有馨香德
刑發聞惟腥皇帝哀矜庶戮之不辜報虐以
威遏絕苗民無世在下乃命重黎絕地天通
罔有降格羣后之逮在下明明棐常鰥寡無
蓋皇帝清問下民鰥寡有辭于苗德威惟畏

德明惟明乃命三后恤功于民伯夷降典折
民惟刑禹平水土主名山川稷降播種農殖
嘉穀三后成功惟殷于民士制百姓于刑之
中以教祇德穆穆在上明明在下灼于四方
罔不惟德之勤故乃明于刑之中率乂于民
棐彛典獄非訖于威惟訖于富敬忌罔有擇
言在身惟克天德自作元命配享在下王曰
嗟四方司政典獄非爾惟作天牧今爾何監
非時伯夷播刑之迪其今爾何懲惟時苗民

訖盡也

文王

書經

卷九

刑正音言

格至也

畏威古通用辟之也

休宥之也

詳刑凶器也而謂之祥者刑期無刑祥莫大焉

匪察于獄之麗罔擇吉人觀于五刑之中惟時庶威奪貨斷制五刑以亂無辜上帝不蠲降咎于苗苗民無辭于罰乃絕厥世王曰嗚呼念之哉伯父伯兄仲叔季弟幼子童孫皆聽朕言庶有格命今爾罔不由慰曰勤爾罔或戒不勤天齊于民俾我一日非終惟終在人爾尚敬逆天命以奉我一人雖畏勿畏雖休勿休惟敬五刑以成三德一人有慶兆民賴之其寧惟未王曰吁來有邦有土告爾祥

及逮也兩造兩爭者皆至也五辭麗於五刑之辭簡核其實也字無可疑也罰贖也過誤也

麗病也官威勢也報德怨也囚女謁也質賄賂也罔干請也審克察之詳而盡其能也

緩胡闕及六兩曰緩闕視也

倍差倍而又差五百緩也

刑在今爾安百姓何擇非人何敬非刑何度非及兩造具備師聽五辭五辭簡乎正于五刑五刑不簡止于五罰五罰不服正于五過五過之疵惟官惟反惟內惟貨惟來其罪惟均其審克之五刑之疑有赦五罰之疑有赦其審克之簡乎有衆惟貌有稽無簡不聽具嚴夫威墨辟疑赦其罰百鍰閱實其罪劓辟疑赦其罰惟倍閱實其罪劓辟疑赦其罰倍差閱實其罪宮辟疑赦其罰六白鍰閱實其

圖類也

改正音訓

比附也罪無正律則以上下刑而比附其罪也亂辭辭之不可聽者不行舊有是法而今不行者

罪大辟疑赦其罰千鍰。閱實其罪墨罰之屬千。劓罰之屬千。剕罰之屬千。刺罰之屬千。官罰之屬三百。大辟之罰其屬二百。五刑之屬三千。上下比罪無僭亂辭勿用不行。惟察惟法其審克之上刑適輕下服下刑適重上服。輕重諸罰有權刑罰世輕世重。惟齊非齊有倫有要。罰懲非死人極于病非佞折獄。惟良折獄罔非在中。察辭于差非從。惟從哀敬折獄。明啓刑書。膏占咸庶中正其刑其罰其審克之獄成。

單辭無證之辭也

亂治也

府聚也辜功猶言罪狀也

五極五刑也辜善師衆也

而乎輸而乎其刑上備有并兩刑。王曰嗚呼敬之哉。官伯族姓。朕言多懼。朕敬于刑有德惟刑。今天相民作配。在下明清于單辭。民之亂罔不中聽。獄之兩辭無或私家于獄。兩辭獄貨非寶。惟府辜功。報以庶尤。未畏惟罰。非天不中。惟人在命。天罰不極。庶民罔有令政在于天下。王曰嗚呼。嗣孫。今往何監。非德于民之中。尚明聽之哉。哲人惟刑。無疆之辭。屬于五極。咸中有慶。受王嘉師。監于茲祥刑。

文侯之命

王若曰。父義和不顯。文武克慎明德。昭升于
 上。敷聞在下。惟時上帝集厥命于文王。亦惟
 先正克左右。昭事厥辟。越小大謀猷。罔不率
 從。肆先祖懷在位。嗚呼。閔予小子。嗣造天丕
 愆。殄資澤于下民。侵戎我國家。純卽我御事。
 罔或者壽俊在厥服。予則罔克。曰。惟祖惟父。
 其伊恤朕躬。嗚呼。有績予一人。未綏在位。父
 義和。汝克昭乃顯祖。汝肇刑文武。用會紹乃

罔憐也。歎而自痛傷也。
 純大也。

辟。追孝于前文人。汝多修扞我于艱。若汝予
 嘉王曰。父義和。其歸視爾師。寧爾邦。用賚爾
 拒鬯一卣。彤弓一彤矢百。盧弓一盧矢百。馬
 四匹。父往哉。柔遠能邇。惠康小民。無荒寧簡
 恤。爾都用。成爾顯德。

費誓

公曰。嗟。人無譁聽命。徂茲淮夷。徐戎並興。善
 教乃甲。胃敵乃干。無敢不弔。備乃弓矢。鍛乃
 戈矛。礪乃鋒刃。無敢不善。今惟淫舍牯牛馬。

徂。茲猶日往者。
 緜。連條及縫完也。
 大。友猶繫也。
 音。的。精至也。
 大。也。指音各開。
 牧也。

攬明化反機搯也
叙乃結反塞也

時丈理反儲備也
稷去九反

獨總俞反變音矣

杜乃獲斂乃寘無敢傷犴犴之傷汝則有常
刑馬牛其風臣妾逋逃勿敢越逐祗復之我
商賚汝乃越逐不復汝則有常刑無敢寇攘
踰垣墻竊馬牛誘臣妾汝則有常刑甲戌我
惟征徐戎峙乃糗糧無敢不逮汝則有大刑
魯人三郊三遂峙乃楨榦甲戌我惟築無敢
不供汝則有無餘刑非殺魯人三郊三遂峙
乃芻焚無敢不多汝則有大刑

秦誓

訖盡也臨安也

思疾痛且也

番音波番番老貌

仡仡勇貌截截辭
給貌

介獨也斷都玩反
斷斷誠一之貌
語辭休休易直好

公曰嗟我士聽無譁予誓告汝羣言之首古
人有言曰民訖自若是多盤責人斯無難惟
受責俾如流是惟艱哉我心之憂日月逾邁
若弗云來惟古之謀人則曰未就予忌惟今
之謀人姑將以為親雖則云然尚猷詢茲黃
髮則罔所愆番番良士旅力既愆我尚有之
仡仡勇夫射御不違我尚不欲惟截截善諛
言俾君子易辭我皇多有之昧昧我思之如
有一介臣斷斷猗無他技其心休休焉其如

善之意

職主也圓忌也

枕五骨及圍五結
反枕隍不安也
懷安也

有容人之有技若已有之人之彥聖其心好
之不啻如自其口出是能容之以保我子孫
黎民亦職有利哉人之有技冒疾以惡之人
之彥聖而違之俾不達是不能容以不能保
我子孫黎民亦曰殆哉邦之枕隍曰由一人
邦之榮懷亦尚一人之慶

書經終

